

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO – DOBOJSKI KANTON  
KANTONALNO TUŽILAŠTVO  
ZENIČKO – DOBOJSKOG KANTONA**

**Broj: T04 0 KT 0066865 25**  
**Zenica, 05.05.2026. godine**

**OPĆINSKI SUD U ZENICI**  
**sudija za prethodno saslušanje**  
**ZENICA**

Na osnovu člana 45. stav 1. i 2. tačka i), člana 241. stav 1. i člana 242. Zakona o krivičnom postupku Federacije Bosne i Hercegovine (ZKP F BiH), podižem,

**OPTUŽNICU**

**Protiv:**

**B. E. ,** *osuđivan više puta,*

**Što je,**

Dana 27.10.2025. godine oko 18,30 sati, u Z., u mjestu P., u svojoj garaži u koju je prethodno pozvao advokata koji ga je u prethodnom periodu zastupao u nekim sudskim postupcima pred Općinskim sudom ..., u prisustvu NN osobe, nakon verbalne rasprave u vezi sa sudskim postupcima, u jednom trenutku fizički nasrnuo na advokata i zadao mu nekoliko udaraca zatvorenom pesnicom u predjelu glave te mu uputio prijetnje: „\*\*\* i tebe i ženu i dijete ti za 150.000,00 KM, ubiću vas, shvataš li?“, svjestan da navedenim nasiljem i prijetnjama po život i tijelo ugrožava građanski mir i da uslijed toga advokat može zadobiti lake tjelesne povrede, te da ugrožava njegovu sigurnost, što je i htio, pa je na navedeni način zadobio lake tjelesne povrede u vidu nagnječenja desnog tjemenog dijela glave, dok su prijetnje kod njega izazvale osjećaj straha za vlastiti život i tijelo, te život i tijelo članova njegove porodice,

**Dakle,** nasiljem prema drugom ugrozio građanski mir, pri čemu je neka osoba lako tjelesno povrijeđena te ozbiljnim prijetnjama da će napasti na život ili tijelo, ugrozio sigurnost jedne osobe,

**Čime je** počinio krivično djelo nasilničko ponašanje iz člana 362. stav 2. u vezi sa stavom 1. KZ F BiH i krivično djelo ugrožavanje sigurnosti iz člana 183. stav 1. KZ F BiH, u vezi sa članom 54. KZ F BiH.